

www.BibleForChildren.org



उत्पत्ति 6




जौ कहानी नूह के परिवार की है, नूह
एक धर्मी आदमी रहै और बौ अपने
समय में इकल्लो निर्दोस रहै। और
बौ हर समय परमेस्वर के संग – सोवत
में रहत रहै। परमेस्वर पृथ्वी ऊपर नजर
डारी और पाई कि सब दुस्टता से भर

गै हैं काहै कि सब लोग दुस्टता
की जिंदगी
जीत रहैं।



परमेस्वर नूह से कही मैं सब प्राड़िन कै नास कर दुंगो और
पृथ्वी इंसान से भ्रस्ट हुई चुकी है। निस्चय मैं पृथ्वी
और बे लोगन सुंदा नास कर दुंगो। तैं गोपेर पेड़ की
अच्छी कठिया से अपने ताहीं एक बड़ी नईय्याँ
बना; जामैं कमरा बना और जाके अंदर-बाहर
कोलतार को लेप लगइये।




ऐसे करकै तुम जाकै बनाबौ,
जहाज एक सौ तैंतीस मीटर
लम्बो, बाईस मीटर चौड़ो और
तेरह मीटर ऊँचो बनइये।




हर तराहनी को खान बारो खाना,
जो खाओ जागो, इखट्टो कर लिये।
बौ तेरे और उनके खान
के ताहीं होगो।




सब जिंदा प्राणियों में से दुई-दुई, एक नर और एक मादा के अपने संग
जहाज में ले जा, ताकी बे तेरे संग जिंदा रहमैं।




तैं सब सुद्ध जानवरन मैं से नर और नारी के सात
जोड़ा अपने संग लै जईये, और असुद्ध
जानवरन मैं से नर और नारी कै
एक-एक जोड़ा लै जइये।






नूह और बाकी बईय्यर,
और बाके लौड़ा और बहु बाढ़
से बचन के ताहीं नईय्याँ में चले गै।





जब नूह छः सौ साल को भौ, बाके
दुसरे महेना के सत्तरमें दिन कै पृथ्वी के
नीचे के सब सोता खुल गै, और आसमान
के भी सब झरोका फूट गै





... और चालीस दिन और चालीस रात ले पृथ्वी मैं मेंहें बरसत रहो।




पानी गजब बड़न लग्गौ। बौ बढते-बढते
पूरी पृथ्वी में फैल गौ, और जहाज पानी के
ऊपर तैरन लग्गौ।




पृथ्वी में पानी इतना जाधे बढ़ गौ कि आसमान के नीचे के जित्ते
ऊँचे-ऊँचे पहाड़ रहैं, बे पानी में सब डूब गै; सब सूखी जमीन में सांस
लेन बारे प्राड़ी सब मर गै।



परमेस्वर नूह और बाके संग जहाज में जिंते जानवर
मौजूद रहें उन सबन की सुधि लई; फिर बौ
पृथ्वी में ब्यार चलाई और पानी
कम होन लगो।






चालीस दिन बाद नूह अपनी
बनाई भई खिड़की खोली तौ
चालीस दिन बाद नूह अपनी बनाई
भई खिड़की खोली और एक कउवा को
भेजी। फिर से, नूह जौ देखन के ताहीं
एक कबूतर कै भेजी कि पानी जमीन से
घटो है कि नाय।



और दुसरे महेना के सत्ताईसमें दिन मैं पृथ्वी पूरी तराहनी से सूख गई।परमेस्वर नूह से कहथै, “अपनी बईय्यर, अपने लौड़ा और उनकी बईय्यरन कै संग लैकै जहाज में से बाहर निकर आ।”



नूह प्रभु के ताहीं एक बेदी बनाई; बौ सब तराहनी के सुद्ध जानवर और पक्छी में से एक-एक लई, और उन्हें बेदी में बलि के रूप में होमबलि करी।



परमेस्वर फिर एक बार कही, मैं तुमरे संग और सबै जिंदे प्राडिन के संग युगानायुग की पीढी के ताहीं एक वाचा बाँधथौं, बाको जौ चिन्ह है, मैं बादर मैं अपनी धनुस रखथौं। जौ मेरे और

पृथ्वी के बीच करे गै वाचा को चिन्ह होगो।




और जब मैं
आसमान के बादर से
तोप लेथों तौ मेघधनुस
दिखाई देगो, मैं तुमसे और
सब जानवरन से करो वाचा
याद रखंगो, कि बाढ़ फिर कहुए

सबै जिंदे प्राड़िन कै नास
नाय करैगी।



फिर परमेस्वर नूह और
बाके लौड़न के आसीस देत भै
कही, “फूलौ-फलौ और पूरी पृथ्वी
में भर जाबौ।” नूह के लौड़ा जो जहाज से
दुआरे निकरे बे सैम, हाम और येपेत रहैं।
हाम कनान को दऊवा बनो। जेई
तीन नूह के लौड़ा रहैं, और
उनके जरिये
पृथ्वी

इंसानन से भर गई।



काहैकि परमेस्वर जौ दुनिया से ऐसो प्यार करी
कि बौ अपनो इकलौतो लौड़ा दै दर्ई, ताकी जो
कोई बाके ऊपर बिस्वास करै, बौ नास ना
होबै, बल्किन अनंत जिंदगी पाबै।



रोमियों 3:23

तभईये सबै पाप करीं हैं और परमेस्वर की महिमा से दूर हैं,

रोमियों 6:23

पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसु में अनंत जिंदगी है।

इब्रानियों 9:27

और जैसी इंसानन के ताहीं एक बार मरनो और बाके बाद न्याय को होनो ठहराओ गौ है।

इफिसियों 2:8,9

काहैकि बिस्वास के अनुग्रह सेई तुमरो उद्धार भौ है; और जौ तुमरे करमन से नाय है, बल्किन परमेस्वर को दान है, और ना करमन के बजह से, काहैकि ऐसो नाय होबै कि कोई गुमान करै।



रोमियों 10:9,10 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन में बिस्वास करकै कि परमेस्वर बाकै मरे भैन में से जिंदो करी है, तौ तू सच्ची में उद्धार पायगो। काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै।

यूहन्ना 3:16,17 “काहैकि परमेस्वर जौ दुनिया से ऐसो प्यार करी कि बौ अपनो इकलौतो लौड़ा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। परमेस्वर अपने लौड़ा कै जौ दुनिया में जाके ताहीं नाय पनारी, कि बौ दुनिया में न्याय करै, बल्किन जाके ताहीं पनारी कि जौ दुनिया में बाके जरिये उद्धार पामैं।

1 यूहन्ना 5:11-13 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। में जौ तुमकै तभईये लिखरौ हौं ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओं के ऊपर बिस्वास करथौ।



उत्पत्ति 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Rana Tharu Bible (thr) ©The Word for the World
International and Rana Tharu Translation Samithi, Khatima,
UttraKhanda, India. 2025

<https://www.bible.com/bible/4065/MAT.1.RTU2025>

©2026 Bible for Children, Inc.

www.M1914.org

www.bibleforchildren.org

